

Мокишэриань  
ВЛКСМ-нь обкомъ  
и Саранскань  
Горкомъ газет-  
сна

Редакция адресон:  
Саранск, ул. Карл  
Маркса 9—Комсо-  
молонь вайгаль.  
Газетать пятнеп  
ковс 60 трешник

# Комсомолонь ВАЙГЯЛЬ

20  
НОВАБРСТА  
1935 КИЗОНА  
128 (229) №  
Лисонди омбоц кизь коста 12

## Промышленностень и транспортонь рабочай и работница--- стахановецнень васеньце Всесоюзной совещаниясна

Ноябрь 14 це шистонза Кре-  
млевской дворецть оцю залсон-  
за панжевсь промышленностень  
и транспортонь рабочай и рабо-  
тница—стахановецнень Всесою-  
зной васеньце совещаниясна.

Совещаниясна примосесть уча-  
стие стака, тьожде, пищевой и  
лесной промышленностень сем-  
бе отрослятнень эзда и кшнинь  
кинь транспортонь 300 передо-  
вой стахановец—ударник и удар-  
ницат.

Бурнай овадиянь мархта сове-  
щаниянь участникне васьфне-  
сазь трибуналь ланкс лисьф Ста-  
лин, Молотов, Каганович, Ор-  
джоникидзе, Ворошилов, Кали-  
нин, Андреев, Микоян, Чубарь,  
Жданов, Хрущев ялгатнень.

Кулэвхть вайгяльхть: „Шум-  
бра улеза минь великай вожде-  
неке Сталин ялгасы!“ „Сталин  
ялгати большевистскый стаха-  
новскый паравал!“ (ура, кядень  
цяпамат). „Шумбра улеза Мо-  
лотов ялгасы!“ (ура, кядень ця-  
памат). „Шумбра улеза Кага-  
нович ялгасы!“ (ура, кядень ця-  
памат). „Ура Ворошилов ялгати!“  
„Калинин ялгати ура!“ (ура,  
кядень цяпамат). „Шумбра уле-  
за Сталин ялгасы, великай побе-  
датнень организаторсна!“ (ура,  
кядень цяпамат). „Шумбра уле-  
за минь кельгема, родной Ста-  
лин ялганек!“ (ура, кядень ця-  
памат).

Куватьс аф лоткайхть привет-  
ственной вайгяльхне и шумнай  
овациятне. Орджоникидзе ялгасы,  
конац васьфтьф куватьс кядень  
цяпама мархта, стахановец—ра-  
бочаень и работницань сембе  
Союзонь Васеньце совещания  
азонкшнесы панчфокс (откры-  
тым).

— Ялгат.—корхтай Орджони-  
кидзе ялгасы.—Ся, мезе макссть  
тейнек Стаханов, Дюканов, Бу-  
сыгин, Виноградова и Кривонос  
кшнинь кить лангса, и ся, што  
сядот и тьожатъ ломатъ тустъ  
синь мельтаст,—тя факт, кона  
рядтнень эзда лисеньди бокс,  
пак оцю важностень факт. Эря-  
ви видеста азомс: Ся, мезе ульсь  
тяниень пингть самс освещенной  
всякый „научнай норматнень  
мархта“, „ученый“ ломаттнень  
мархта и сире практикнень мар-  
хта,—нятнень минь стахановец—  
ялганек сембень шарфтозъ пря-  
снон ланкс, йордазъ шири, кода  
устарелаень и минь инголи моле-  
манеконь кирьниензон.

Мезе жа тистъ нят ялгатне?  
Синь тиезь сянь, мезе вешсь  
минь ширьденек величайшай ло-  
маттнень йоткста величайшайсь,  
минь партианеконь организато-  
роц и минь учительнеке Ленинцъ  
синь тиезь сянь, мезе вешсь  
Ленинонь великай ученикоц и  
продолжатель, минь партиане-  
конь вождец Сталин ялгасы.  
(Вишка кядень цяпамат).

Тятдень кизонь май ковста  
Якстерь армиянь академикнень  
нолдамста Сталин ялгасы кор-  
хтасы: „Кадратне решанлакшне-  
сазь сембеть“, сон мярьгсь: „Тех-  
никась ся ломаттнень кядьала,  
конат тонадозъ техникать, может

и должна максомс чудесат. Кла-  
ба минь первокласснай заводга-  
нок и фабрикаванок, минь сов-  
хозганок и колхозганок, минь  
Якстерь армиясонк улельхть  
сатомшка кадрат, конат способ-  
найхть ласьямс (оседлать) тя  
тахникать, минь странанеке полу-  
чаль ба эффекта колмоксть и  
нилексть сяда лама, чем сонъ  
улихть тяни.“

Тянь азозе партиять вождец  
тятдень кизонь май ковста.

Йотни ниле кофт, и вов ав-  
густъ 30-це шистонза Донбасса  
„Центральная-Ирмино“ шахтаса  
рядовой забойщиксь Алексей  
Стахановъ эсь отбойнай молат-  
канц ударонзон мархта нормать  
коряс 7 тоннатнень вастс лункф  
тась сменаца 6 частонь рабо-  
тама пинькста 102 тоннат уголь.  
Тяфтама ульсь васеньце ответсь  
вождьть терьдеманц каршес.  
(Кядень цяпамат).

Тянь тиеньцы эф партийнай  
большевиск, конань ниньге пар-  
тийнай билетоц аш, формальной-  
ста сон партияса аф ащи, но ащи  
вернай цьоракс эсь странанцты,  
цьоракс эсь пролетарскый госу-  
дарстванцты, и партиять эзда  
сонъ мезевок аф явфнесы, ань-  
цек сяда башка, што сонъ кар-  
манцонза аш партийнай билетоц.

Кафта шиди меле, сентябрь  
3 це шистонза, тяка жа участ-  
кань парторганизаторсь Дюка-  
нов ялгасы сувас шахтаз и ко-  
та частонь пинькста лункфась  
115 тоннат уголь—тя омбоце  
ответсь, конань максозе партий-  
най большевик мировой проле-  
тариатъ вождец Сталин ялгати  
терьдеманц каршес. (Кядень ця-  
памат).

Сентябрь 19-це шистонза  
Горьковскый автозаводса аф пар-  
тийнай большевиксь, кузнецсь  
Бусыгин ялгасы эсь молатканц  
мархта ковандась 1.050 колен-  
чатый валхт нормать коряс ко-  
вандамс эрявикс 675 валхненъ  
вастс, конац ниньге вестъ теуса  
няфтезе, што Сталин ялгасы кор-  
хтасы марнек видеста. (Кядень  
цяпамат).

Примерна тяка жа пингть ма-  
шинистсь—Кривонос ялгасы Дон-  
басса, Алексей Стахановъ ушед-  
ксонц фатямок, максси пак це-  
бяръ образец паровозъ вишк-  
ста якамаса: нормать коряс 30  
километратнень вастс максси 53  
илометрат. (Кядень цяпамат)

### Комсомолец Кувшинскийть од рекордоц

Архангельск. Молотовъ лемса лесозаводонь стахановецне честь  
мархта пашкодкшнесазь синьценъ обещанияснон, конань максозь  
октябрь 29 це шистонза Совнаркомса Молотов и Чубарь ялгатнень  
ди Стахановец—делегатне Мусинскыйсь и Шмонинцъ.

Ноябрь 14-шистонза ветъ Лесозаводонь стахановецсь, комсо-  
молецъ Кувшинскийсь, конац соревновандай комсорть Шмонинтть и  
мастерть Мусинскийть мархта, конац сявсь сембесоюзнай рекорд ви-  
ренъ кяромаса, сявсь од мировой рекорд, 7 частонь кувалма работа-  
мастонза, нормать коряс арьсеф 97 кубометратъ, вастс сон нолдась  
эсь раманц пакч 296 кубометрат вирь, конатнень диаметрсня 34—36  
см.

Стахановец комсомолецъ Кувшинскийть рекордоц, сатсь аф няе  
вомшка производительность, панжи од оцю возможностьть деревооб-  
рабатывающей промышленностьса.

Стахановскый движениясь ка-  
сонды.

Вичугаса ткачихатне Дуся и  
Маруся Виноградоватне ушеч-  
нихть работама нормать коряс  
арьсеф 16—24 станокнень вастс  
70—100 станок лангса, а тяни  
144 станок лангса. (Кядень ця-  
памат).

Нят передовикнень мельга ке-  
психть промышленностень сембе  
отрослятнень эзга и транспорт-  
са инголе моли ударниконь и  
ударницань кели массатне, ко-  
нат няфнихть работамань пак  
оцю производительностень обра-  
зешт.

Тяфта отвечась минь страна-  
сонк рабочай классъ эсь кель-  
гома вождец Сталин ялгати  
реченц лангс, конань сон корх-  
тазе тятдень кизонь май ковста.

Ялгат, нят шитьнень тинь лу-  
вондоств газетатнень эзда Вран-  
гельть срафтоманц 15-це ки-  
зонц. Тинь тоса няестъ Сталин  
ялгати кода победань органи-  
заторонь и руководителень. Ко-  
да сят гражданскый войнань  
стака (суровой) кизотнень эзда  
Ленинонь и Сталинонь терьде-  
маснонды мольсьть минь стра-  
нань инь цебяръ ломаннеке,  
штоба срафтомс советскый влас-  
тень врагтнень, станя жа и со-  
циализмань строяма кизотнень  
эздонга Сталин ялгати терьде-  
манцты снихть минь рабочаень  
и колхозниконь, инженеронь,  
техниконь, сембе трудяень мил-  
лионнай массатнень социализ-  
мать победаноснайста строя-  
манцты.

Вийфнави стахановскый дви-  
жениясь путни командирхненъ ор-  
ганизаторхненъ, инженерхненъ,  
техникхненъ инголи трудонь  
производительностьть пак касо-  
манц коряс производствань сем-  
бе звенатнень организованда-  
маснон колга од задачат.

Сяка пингть, кой-кона хозяй-  
ственникхненъ, инженерно-тех-  
нической работникхненъ йоткса  
няеньдеви растеряность. Синь  
аф прокс маштыхть стахановец-  
нень кеподемост и тянь коряс  
производствань организованда-  
мать одукс тиEMONZA. Эрьсикъ  
и тяфтама безобразият, мзярда  
аф аньдек аф лезнихть стаха-  
новецненьди, но тиеньдихть  
теест аф нолдавомшка, пряма  
хулиганскый отношеният. Тяфта-  
ма хозяйственникне и инженер-

„Красноармеец“ колхозсь (Саран-  
скый р-н) эсь средстванзон ланкс  
тийсь начальнай школа.

Фкя комнатать эса панчф кол-  
хознай клуб. Клубу рамаф гармош-  
ка, настольнай играт, сьорматф-  
сьть газетат и с.т.

Комсомольскый организациясь  
активнайста кярьмодсь культурно  
массовой работать ладямонза.

хне аф достоеет ащемс минь  
социалистическый промышлен-  
ностеньконь команднай постон-  
зон эзга.

Улихть и стапт, конат анокт  
кядьснон цяпама и цяпайхть  
кядьть стахановскый движени-  
яти, но аф арьсикъ тиEMS эря-  
викс выводт, а именна касы  
стахановскый движениять мар-  
хта панчсези возможность-  
тнень коряс касфтомс продук-  
циять, и сембе нинге путандакш  
нихть тяфта azondkshnevi „тех-  
нически обоснованной нормат-  
нень“ н „проектнай мощностъ-  
тнень“ перьф. Тя, ялгат, аф лиси.

Мон кизефнине донбассовец  
ялгатнень: Ну, кода ялгат,  
тинь пашкочнетяда уголень  
2-3-нь нормат, а ули ли кода  
тя уголень выработкатъ, конац  
касфтьф 2-3-сть, куцьфтемс панд-  
тнень пряс—лангу? Синь кор-  
хтайхть: ули кода, но эрявихть  
келептемс тайненья васттнень,  
механизировандамс откаткатъ.  
Тя-пак виде.

Минь странаньке—од крутой  
под'емса. Минь промышленнос-  
теньконьди путф вельф оцю  
средстватне, минь предприяти-  
няньке, конат вооружандафт пер-  
вокласснай техникаса, Сталинтть  
мархта воспитандаф рабочаень,  
инженеронь, хозяйственниконь  
миллиоттнень кядьса, конат то-  
надозъ тя передовой техникать,  
максикхть первокласснай резуль-  
тафт.

Стахановскый движениясь ар-  
си социалистическый родинань  
вернай цьорань подлиннай на-  
роднай движениякс.

Сембе хозяйственникхненъ, ин-  
женерхненъ, техникхненъ—произ-  
водствань сембе подлиннай ко-  
мандирхненъ задачасна ащи  
сянь эса, штоба минь больше-  
вистскый партианеконь руковод-  
стванц ала арамс инголи тя  
движениять эса и тумс (двинуться)  
инголи од и од сатфксненди  
социализмань строямань кить эз-  
га. Социалистическый промыш-  
ленностень, транспортонь и  
социалистическый земледелиянь  
командирхненди аш и улемска  
не может сяда почетнай задача.  
И эста минь аф вестъ нинга са-  
тама Сталин ялгати гордаиста,  
радостнай кулянь мархта сянь  
колга, кода минь большевист-  
скыйс йотафнесакъ эряфс сонъ  
указаниязон. (Вишка, куватьс  
кядень цяпамат).

ВКП(б)-нь ЦК-ть и СССР-нь  
СНК-ть ширьде максф поруче-  
ниянь коряс азонца промыш-  
ленностень и транспортонь ста-  
хановец—рабоцаень и работни-  
цань сембе—союзонь 1-це со-  
вещаниять панчфокс (кядень  
цяпамат).

Орджоникидзе ялгасы васень-  
це валть макссезы Стаханов  
Алксей ялгати. Стаханов ял-  
гасы васьфтьф авациянь мархта.



# ОД ЛОМАНЕНЬ ЕДИНАИ ФРОНТТЪ ЗАДАЧАНЗА

Михаль Вольфть докладонц коряс КИМ-ть VI-це конгрессонц мархта единогласно примат резолюциясь \*)

Теест безуслонна эряви тонадомс корхтума од ломаттнень живой кяльснот мархта и йофсикс лоткамс отвлеченной фразатнень азондкшнемда.

Фашизмат каршес идеологической тюремаса пях эрявиксонди арси эсь народнеконь революционной и демократической традициязон лувомасна, конань тиес од ломаттнень национальной чувстванонды кодамоков пренебрежительной отношением апак ноляк, но сяка жа пингть эряви апак лотсек тюремс шовинизмат каршес и работамс од ломаттнень пролетарской интернационализмань духса воспитандамаснот лангса.

Демократической традициятнень коряс эрявикть арелякшнемс фашизмат эзда сембе демократической праватне и тюремс одломаттнень фсякай правафтома шишон каршес, синь экономической, культурной и демократической

праваснон инкса.

Сембе вастова, коса фашистской демагокне лифнихть лозунгт и обещаният, конат соответствовандайхть трудяй од ломаттнень настроенияснотды и потребностями, тейнек эряви эстакиге апак думсек (колебанияфтома) марьгомс од ломаттненьди вешемс синь курукоя пяхькодемаснон и ушедомс самостоятельной массовой тюремаса синь эряфс йотафтомаснон ингса.

4. Конгресс азондкшнесы, што од ломанень Коммунистической интернациональс кармай фсякай лаца лезнема любой странань од ломаттнень фашизмат и войнат каршес движенияснотды. КИМ-сь тяфта жа кармай активнайста лезнема ся движенияти, конат вятэви мировой слетть организандаманц инкса и прогрессизнай од ломаттнень постояннай международнай сотрудничестваснон ладяманц ингса.

## IV. Фашистской странатнень эса од ломаттнень массовой движенияснон задачанза

1. Конгресс путни од ломанень революционной организациятнень инголи, конат тюрихть фашистской странатнень эса, задача—йотамс аф оцю кружковщинат и общей агитацият эзда легальной и палеслегальной массовой деятельности. Аф виде ули арсекшнемс, што фашистской диктатурань странатнень эса аш кода пан жада вятэмс од ломаттнень эряфонь интереснон инкса массовой тюремат.

Нят странатнень эса од ломанень вельф оцю массатне фатяфт (вишхота и эсьволясост) фашистской юношеской массовой организациитнень мархта. Нят организациятнень эса ули кодаи эряви лацкас шарфтомс одломаттнень оцю самостоятельной активностью. Нят од ломаттнень эзда тки ламосна нинге кемихть васькафнема идеалкненьди, конатнень максозь теест фашизмат и фашистской вождьтне. Но омбоце ширьде пях кяльдяв эряфсь, ся, што синь запроссна и вельфксна аф пяхькодькшневихть, тиеньди недовольства и активность, конат мзярс нинге водендакшневихть аф видеста фашистской режимт каршес, а синь непосредственной интереснон и запросснон ареляма.

Задачас ащи аф общей валса фашистской диктатурань машфтомонза серьгядкшнемат эса, а сянь эса, штоба маштомс арелякшнемост одломаттнень эрь шинь потребностьснон и вельфкснон, арелякшнемост синь требованияснон и тянь коряс пуропнемс синь сембе легальной и палеслегальной возможности тнень использовандаз и подчиняндакшнемс тя задачати афлегальной организациятнень работаснон. Така йоткова

эрявикть од ломаттне кошарямс сяньди, штоба синь упорнайста вешельхть сят обещаниятнень пяхькодемаснон, конат максфт теест фашизмат ширьде, штоба тянь вельде вятэмс синь фашизмат каршес настоящай тюремат.

2. Од ломаттнень вийснон, синь интереснон инкса тюремат пуроптоманкса эрявикть использовандамс фашистской работань сембе массовой форматне и мероприятиятне, конат йотафневихть од ломаттнень йоткса, ушедкшнемс соответствующай образа работа сембе фашистской массовой юношеской организациятнень эса, а тяфта жа профсоюзнень эса, сяка пингть фсякай лаца лезнемс и вийфнемс нят организациятнень четтнень йоткса оппозиционной настроениятнень и сатнемс фашизмат сознательнай агентонзон изоляцияснон.

Тоса, коса улихть оппозиционно настроенной демократической, либеральной, радикальной юношеской кружокт, и группат (Польшась, Югославиясь, Болгариясь, Австриясь и ст. тов), эряви сембе вийса старандамс фашизмат эзда йофси аф зависимай юношеской организациятнень вийфтомаснон инкса и мархтост марса действиятнень единстват инкса.

Тоса, коса фашизмат аф марьгонди (запрещает) и срафнесне анокс ули аф фашистской юношеской организациятнень, минь инь васеньце задачаньке ащи сянь эса, штоба лезнемс эсь организацияснон аф зависимостьснон и свободаснон инкса синь тюремаснонды. Сяка жа пингть эряви синь мархтост марса работамс од ломаттнень сембе вийснон пуроптомаснон лангса.

## V. Профсоюзной движенияса од ломаттнень задачасна

КИМ-ть конгрессонц тревога мархта азондкшнесы, што анышек аф ламосна рабочей од ломаттнень организовадафт профсоюзнень эса и што трудяй касы од поколениясь аф воспитандакшневихть аф календакшневихть профсоюзной движениятнень рядтнень эса классовой боевой солидарности и рабочей классытевонцы преданности духса.

Сяка пингть од ломаттнень эко-

номической и культурной интереснон инкса тюремаса, а стая жа од ломаттнень йоткс фашистской влияният суваманц каршес тюремась профсоюзнень лездомафтомост успешнайста аф вятэвихть. Именна сяс эряви сатнемс сянь, штоба организовадамс рабочей од ломаттнень профсоюзнень эзга, а тяфта жа тиес профсоюзнень рамкаса од ломанень кели масатнень йоткса работань сембеда различнай формат.

Конгресс серьгядкшнесыне сембе рабочейхнень, КИМ-ть ширарайхнень, арамс профсоюзонь членкс, примсемс инь активнай участия эсь союзцень работасонза и арсемс профсоюзной единстват тевонц инкса, сяка пингть сатнемс эсь цебарьста работамцен мархта эсьтит уважения профсоюзонь коряс ялгатнень йоткса. Лувондомок эрявикс фактокс сянь, што ламоц странатнень эса, кода, кепотьксонди, Англиясь и Бельгиясь башка профсоюзне ушедозь од рабочейхнень организовадамс нон колга работать, конгресс нас тойчивайста марьгонди КИМ-ть сембе секциязонды активнайста лезнемс фсякай пропагандистской и организационной мероприятиятненьди, конат йотафневихть аф анышек якстерь, но и амстердам-

скай и лия рабочей профсоюзнень мархта од рабочейхнень таргамаснон инкса.

Пях эрявиксонди арси ся, штоба вятэмс действият марса профсоюзнень мархта од безработнайхненьди работамань возможности сатомат инкса и социальной страхованият инкса. Эряви работамс сянь лангса, штоба максомс конкретной лезке работафтома од ломаттненьди, и сембода пях стирьнатненьди, тянь инкса организовадамс профессиональной образованиятнень различнай курст, общежитият, вень удомань кудт, башка курст и клубт стирьнатненьди. Башка значения тяниень пингть кирьди фсякай трудовой лагерьхнень эс фатяф од ломаттнень йоткса работась.

## VI. Спортивной движеният эса единая фронттъ задачанза

Конгресс нинге вест лятфнесы од ломанень спортивной движеният вишхотемань важностенц, кона аф зависимай буржуазной государстватнень эзда, и терне-сыне КИМ-ть секциязон активнайста лездомс эрь странаса рабочей спортивной организациятнень пуроптомати и рабочей спортивной движенияти интернациональной единствань ладямати. Сембе-сяка аф эряви юкснемс, што лама странава рабочей спортивной движениясь, нльне объединеннась, фатни трудяй спортивной одломаттнень эзда кржа, тянка эряви активнайста лездомс сембе спортивной организациятненьди, конатнень эса примсикхть участие трудяй одломанень массатне, сотрудничествань ладя-

мати и нльне синь объединенияснотды.

Фашистской странатнень эзга, примосемок участие массовой спортивной организациятнень эса, эряви тюремс шовинистической и военной пропагандат каршес, конань фашизмат вятэсы спортсментнень йоткса, лездомок и вятемок руководства спортивной массатнень тюремасост, синь непосредственной вельфкснон инкса, инь важнай и маластонь задача кс фкя спортивной одломанень массатнень мархта сотрудничествань тевса лувондови фашистской Германияса олимпиадат йотафтоманц каршес марстонь тюремась.

## VII. Антиимпериалистической народной фронтса одломаттнень участиясна

Инь важнай, маластонь задачкас колониальной и полуколониальной странатнень эса арси мощнай юношеской движеният вишхотемась, кона тюри аф грамотнай шить машфтоманц инкса, школава родной кяльса преподаваният инкса, народнай свободнай культурат инкса, быгть шумбралфтоманц, эрямань условиятнень и работать цебарьгафтоманц инкса, демократической прават и свободат инкса, бесправият и рабской эксплуатацият каршес.

Нят целхнень инкса организациятне, конат примыкандакшнихть КИМ-ти, должеет ладямс кеме соткст сембе массовой и васендакигя од ломанень национал-революционной и национал-реформистской организациятнень мархта. Работамок нятнень и юношеской лия массовой организациятнень мархта, лувондомок различият од ломанень башка слыхнень йоткса и сякажа фкя странаса различнай райоттнень йоткса, эряви од поколеният виензон пуроптомаснон инкса тюремань кели платформат вельде трудяй од ломаттнень интереснон инкса пуропнемс разнообразнай типа крестьянской, индейской, негритянской, студенческой, авань, культурной, спортивной и лия юношеской организацият, а тяфтажа келепнемс и объединяндакшнемс синь тоса, коса синь улихть.

Антиимпериалистической народной фронтти од ломаттнень таргамаснон колга задачас веш-

ушедомс узкай и основной массатнень эзда изолировандаф политической группатнень вастс национально-освободительнай характера од типонь юношеской массовой организациятнень пуроптомаса работа, стама организациятнень, конат-ба сувафнелезь эсь эзост одломанень сембеда кели слыхнень, а тяфтажа национально-революционной и национально-реформистской организациятнень. Нят организациятненьди эряви мольтемс эсь работаснон аф анышек ошнень эзга, но и тозонга, коса улихть крестьянской одломанень основной массат, тиендемс сембе эсь работаснон одломаттнень эряфонь запросснон и требованияснон пяхькодькшнемаснон коряс и воспитандакшнемс одломаттнень империалистической угнетательхненьди революционной ненавистень духса, эсь народснон всякай эксплуатацият и кабалат алда лифтемаса тевти преданности духса.

Китайса инь важнай задачкас ащи сембе одломаттнень и одломанень организациятнень ширьде массовой движениятнень пуроптомась, кона-ба тюрель трудяй одломаттнень эряфснон цебарьгафтоманц инкса, культурат кеподеманц инкса, демократической свободатнень инкса и империалистической завоевательхнень каршес эсь родинаснон ареляманц инкса всенароднай тюремаса одломаттнень активнай участияснон касфтоманц инкса.

(Пец 3-це лопаширеса)

\*) Поладкс, Ушедксоц 127 №-са



# Од ломанень единый фронтт задачанза

(КИМ-ть VI-це конгрессонц резолюциянц пец)

## VIII. Фашизмать каршес, социализмать инкса, трудяй од ломаттнень свободнай счастливый эряфснон инкса

Од ломанень Коммунистической интернациональ конгрессонц гордость и радость мархта эзонды приветствия Советонь Странаса социализмать окончательнай и меки апак мрдок победанцы. СССР-нь од ломаттнень инголя келиста паньчф счастливый социалистической будучайсь. Сонь воспитаниянц основаса ащи ломаньтть колга великой сталинской заботась.

СССР-нь од ломаттне сембе масторлангонь од ломаттнень великий учительснон и инь цебарь другснон Сталин ялгать мудрай руководстванц ала, большевиконь партиять руководстванц ала молихть фкя сатфксста омбоцети классфтома социалистической обществань тиёмать инкса тюремаса, конац аф содай ломаньтть ломань мархта эксплуатировандаманц.

Советонь Странась Марксонь Энгельсонь — Ленинонь — Сталинонь революционной ученияснон тевс йотафнезь арась аф срафтови оплоток международнай пролетариатти свободать и мирть инкса сонь тюремасонза.

Од ломанень союзснень задачанза ащи сян эса, штоба келиста няфнемс СССР-са социалистической строительствать сатфксонзон и таргамс од ломаттнень Советонь Союзть миронь политиканц ширенц кирьдеме и сонь арелямонза мировой империализмать каршес.

Фашизмась аноклакшни нападения миронь и трудонь странать лангс и нанды пк оцю угроза сембе странатнень трудяйснонды. Сембе сяка, аф ваномок фашистской

странатнень эзга, кода и капиталонь сембе странава мучительнай сталмотнень и эрямань условиянень лангс, касыхть вийхть, конат расшатандакшихть буржуазиять господстванц. "Мировой масштабса классовой вийхнень соотношенияна коль полафневи революциять виензон касомаснон шири." (Коминтернат VII-це конгрессонц путфксстонза)

Сембе революционной од ломаттнень тюремаснонды руководствакс эрявихть путомс фашизмать каршес мезь мархтонга аф эвфневи борецть Димитров ялгать валонза:

"Минь йоратама мумс общай кяль кели массатнень мархта, штоба тюремс классовой врагть каршес, мумс кит революционной авангардть пролетариянц и трудяень массатнень эзда изолировандаф шинц песта-пес машфтоманцы, а станя жа соньцень рабочий классь и сонь естественнай союзниконзон буржуазиять каршес, фашизмать каршес тюремаса, роковой изолированностьснон машфтомаснонды."

Минь кинеконь няфтезь Ленинец и Сталинец.

Минь кинеконь няфтезе Коминтернат рулевоец—Димитровсь. Тя ащи кели единый фронтс трудяень сембе од поколениять виенц пуроптомаса кикс.

Минь макссесаськ сембе эсь виеньконь од ломаттнень фашизмать и империалистической войнать опасностензон эзда арелямаснонды, од ломаттненьди свободнай, радостнай и счастливый эряфонь сатомати.

## Физкультурнай кружоксь кармась работам

Ламоксть ульсь сьормадф "Комсомолонь Вайгаль" газетаса, сян колга, што йотай тонафнема кизоть Муздрат техникуму ульсь организовадаф физкультурнай кружок, но тядлень тонафнема кизоть ушедомок, тя кружокса кодамовок работ изь йотафневи. "Комсомолонь Вайгаль" газетать лезксонц мархта тя

ФК. кружокса тевсь ладяф.

Мездрамтехникумонь директорсь Катков лягась физкультурнай кружоку рамась 25 пар лыжат и 25 пар конькат и лия кой—мезе

Тяни физкультурнай кружоксь аноклай тьялонь сезонти.

Лимонов

Петр Левчаев

## Вирьсь унай

(Поладкс. Ушедксонц 116—123, 125 и 227 №№-эса)

Лисейкась хоть и варась\*) но ошса. Сын вийдост аф сыяра, штоба кучемс тязозок и кадомс Понкратька ваном. Улема, кивок ошу тусь, али ошста пеняцямстась. Катонясь молодец!

Моргсь изь кенерь валгомда, тумоть алу алашанц лангста комотсь Лахмась, сонь мельганза лиссь Равжа Сакалська. Лахмась азондозе, што Маха Панчфкясь кудса аш, а катонять кати кода верондаманц. Сон мярьгсь, што Егоркаць кудса кеменест, учихть велети бандать саманц.

Равжа Сакалсь кенердась йонь азомат:

— Кеменест—аф пелькс. Лисемс и керьсемс.

Эрь ломантьт сисемьга!—Моргсь модергофюзень пеензон и комотсь алашанц лангс. Сонь ломаненза, а сембеда ингеле [Равжа Сакалсь, вярй кепсезь шашкаснон и тусть ардозь вятить мельга, аныцек каштордсть лопатне да моцрдысь коська тарадтне.

Моргсь ардсь велеть кучкас и лоткась аф ичкизи Егоркаць валь

малу. Виде, вальмеседафкятне ульсь пьакстафг. Равжа Сакалсь, кода од цюрэ, бодрайста ащезь шаркстсь кудть перьфкя и вехса ломань мархта арась проулкати учема. Лахмась ардсь кудингельнять вакс, кядьгеняста лоськядсь мезьса-бди шужарьть и кирьязстезе. Качамсь кепедсь акша офтокс и толсь тусь налхокома коська шужарь солафтозь.

Кивок изь лись располофонь гайфтема.

Моргть алашац кштись вальмать ала, колменькемень вете алашатнень ингеле; Лахмась кульхцендсь, кода хармайхть пишкодомаштабь ломаненза псить эзда, а Равжа Сакалсь шашканц кирдсь анокта, кивок тяз лись.

Шальгинть нотфнесть санонза Сонь бта маштыкс шавозе калъ юрть фтала ащемста. Сон ванц проулкати эзга то Лахмать лангс, кона кирьязстезе кудть и цють потась учема, то колокольнять пряс—аф яфоди ли якстерь келенясь.

Шарко мадфоль церькав ограждать потмос. Сон учсь Шальгинть ширьде васень ляцямать. Сонц Кокоревсь ащезь колокольнять пряс, ванц, кода кштись Моргть алашац, конань фталу пуромсь бандать ламоц и ванц кудть

## ЛАМОДА КЕПОДЬСЬ СТАХАНОВЕЦНЕНЬ ЗАРАБОТКАСНА

### Иванцев токарьсь октябрь ковонкса получан дась 1.200 цалковой

Ростов—на Дону. Андреевть лемса Таганрогской металлургической заводса Козлов кузнецть бригадц 1,8 тоннарь вастс, пакофкань нормать ноябрь 13-це шистонза пачфтезе 13 тоннас. Тя шиста бригадирсь Козлов ялгась пачфтезе работама питненц 194 цалковой 20 трьошникс, (фкя шить инкса), старшай кузнець Петренко ялгась—162—цалковайс, подручнайсь Дмитриев ялгась, сварщиксь Мануйлов и молоточь машинистсь Копыловсь—102 цалковайс кажнайсь.

Андреевть лемса заводть дирекцияц, ваномок стахановецнень успехснон лангс, кучсь стака промышленностьень наркомти энялькс, штоба заводть эса касфтомс ноябрьской программать.

Таганрогской "Красный гидротресс" заводонь токарьсь Иванцев ялгась пачфтезе соньцень суточный производительностенц 600процентс. Октябрь ковонь кувалма работастонза работама питненц пачфтезе 1.200 цалковайс.

## ЗНАТНАИ СТИРЬНЯТНЕ

1931 це кизоня кемкотува кизоса Колина Полясь соньцень семьянц мархта суvasь "Коллективист" колхозу. Киза кувалмода меля сон сатсь инь цебарь ударницанц авторитет. Сон вельф пшаккодкшнезень рабатамань норматнень паксянь работатнень эса, сонь ашель фкявок шиц, штоба афоль лисе работам.

Тяни Колинась работай МТФ-са старшай дояркакс, и тясонга сон няфтеза эсь прянц, кода инь цебарь ударница—отличница.

Тя кизонь 10 кофнень пиньгста работастонза, сон тийсь 400 трудошит.

Октябрень праздникть 18-це годовщинастонза сон казф почетнай грамотаса и взыяса.

Кие аф содасы "Хариат" артель ста эрек колхозница—комсомол

кать Жаналева Амиряхть. Сонь содасазь и кельгсазь сембе колхозникне.

Сон работай МТФ-са учетчицакс, Амиряхть тийсь лама, конац макссь возможность сатомс колхознай фермаса производственной оцю показателхть. Сонь образцовайста ладяф учетоц, сон регулярнайста (коти нилексть) нолни стенгазета, и вербовандай од и од активистт, сон добуvasь лама плакатт и лозунгт и повфнезень сын жуватань водяень бригадаты помещниязонза.

Жаналевась—велькор районнай газетаса. Сон кифксь казф.

Ноябрь омбоца пяльксстонза Лямбирьса терневи стирьнянц и од авань районнай конференция, коза знатнай стирьнятне кочкафт делегаткакс.

(К. М.)

## А. Чекашкин ПАКСЯНЬ ВАНЫ

Марстонь паксать эса  
Лаказы тезнясь лакай,  
Ластя, ружьянц мархта,  
Вань перьф Федясь якай.  
Од кажанонц ланга  
Жольнязь кольги пиземсь,  
Федя ластя моли  
Кемя ронгонц сиземс.

Туста шовдаты эзда  
Июфси сон аф пели,  
Якстерь шинянь стямос  
Сон аф моли вели.  
Ваны колхозть сьоронц—  
Афольхть сала--кола.  
Розь прянц аф максы  
Теентть саламс, нолат.

Мэли тока лангу,  
Моли шовдаты пингста,  
Штоба афольхть сала  
Сьора марстонь тиньгста,  
Штоба афольхть уда  
Ваныхне веньперьфкя,  
Цебарьянста марьяхть,  
Эрь шужарень шерьфкять.


Оржаста сын ванольхть  
Кяжи вракнень мельга—  
Штоба кяжи вракне  
Паршить афольхть нельга.  
Палозь палы тевса  
Федя—  
Аф ляды фталу.  
Комсомолец лемоц  
Аф прашенды алу.

Порапа. 1935 к.

\*) Варась—божендась, божилсь



## Советской цебарь больница



СНИМКАС: Мокшэрзянь республика одс строяви советской больницать потма ширьдень работатень тиёмасна.

## СОЦИАЛИСТИЧЕСКОЙ ОШНЕ ВЕЛЕТИ ЛЕЗДОМА

Библиотечнай работать цебарь районьди, совхозоньди, колхозоньди Всесоюзнай конкурсть васенце инь оцю основной задаца—тя велень библиотекатень книжной фондсн касфтомац.

Всеобщай начальнай тонафнемась, конац машфнесы сьормас аф содама шить, вельхозяйствань механизациясь и общай культурань касомац велеса, таргай оцю мяль книгати.

Мордовиясь велень библиотекатень эзда, ламоц одс организовандафт, пяк беднайхть книгань пяльде, и аф удовлетворяндакшнесазь велень трудяй массатень анафксн.

Мокшэрзянь республикань конкурснай комитетсь шарфни (обрацаеця) сембе предприятиянь эзда библиотекань руководителхеньди, Саранск, Темникав, Инсар, Ардатов и Рузаевка—оштнень эрайсонпы конатнень улихть личнай библиотекасна, максомс лезкс велети, книгань кучемаса.

Дублетне, морафт ни книгатне, конат ащихть стак минь библиотеканеконь эса, максыхть оцю лезкс велети.

Конкурснай комитетсь надьяй, што партиянь эрь членць, комсомолецсь, профсоюзонь членць и сознательнай гражданиць сувай велень библиотекатеньди книгаса лездом, максы лезкс минь веленеконьди культурань касомаса.

Велень библиотекатне инь пяк нуждандайхть Марксизмань Ленинизмнь классикнень произведенийсон колга: Марксонь, Энгельсонь, Ленинонь, Сталинонь (кодама повсь изданиясь и нльне разрозненай томт); художественнай и классическай литератураса, новинкатнень мархта кода рузоньнеса, станя и мокшень и эрзянь, станя кяльс йотафтфень мархта; од орфографиять коряс сьормадф идень литературать мархта: партийнай литератураса и партучебникса конат нолдафт 1934-35 кизоня; естественно-научнай и вельхозяйствань книгатнень мархта.

Саранскаень центральной библиотекас пуроптф книгань кочкама и синь велень библиотекатненьди кучемаса комиссия, лия ошнень эса книгатне кучсевихть райбиблиотекатнень мархта.

Конкурснай комитетсь.

## Вирьсь унай

(Пец)

Кокоревсь валгсь колокольнять пряста и ювадемок „Мельган“, тусь перьф ласькихнень ингели. Ласкихне озасть калъ юрхнень потмос Шяльгинть ломанензон мархта шарфста, а Шаркось шарозе сембе велеть.

Катонясь шарозе Моргть ингеленц и йордазе омбоце бомбанц. Моргсь прась шаманц лангс, и кафта маузерса ляденьдезь куломс ранендазе сонцень бомбань йорлайть. Кокоревсь ласькс сонь лангозонзэ, прась юр фталу лангозонза целендама. Моргсь стясь аськолдась кафксть—коимоксть и тага прась. Кокоревсь ранендазе сонь плманжа пакарсь. Седьлоткть эзда приметнезь лиссь Равжа Сакалсь, ласькс Кокоревть фталу, лиясь нилексть мельцек и ветеце пулять мархта тозж шавсь эсь прянц.

Егоркать куднянц ваксса коцасть цяткне. Церькуть пряся чаколдсть чавкат. Синь кеняндсть сетьмети, кона сувафтозе веленять тюрхнень аромомда меле.

Ломатне—атятне, бабатне ань-

цек састь веленяти кядь песост шаба мархта и пуромкшнесть пакшнень-пакш, нинге пелезь корхтакшнесть. Кие мярьги, сембень шавозь, кие мярьги пялесна ворьгодькшнесть. А Егоркась азондсь сембеда ламоть.

—Минь эздонок фря ранендаф, а синь эздост шавфт ниленьгемень колмотне. Эсь пингстон кулотнень лувозь, моньць эсост крандазс марань. Нилетнень сязозь. Курок кармайхть судендамост и мон улян свидетель. Мон изондса кода ярхнасть эздонок. Мон азондса, кода сивезь Анютаты!

Катонянь браткац, кона ульсь альняканц мархта седьнать тейса, азондозе, кода шавозь сонь альняканц. Соньцень шавиенц куломшка ранендазь и сязозь ошу кулома.

Аятне крестиндакшнесть церькав прять шири и озадонь седихть сувсесть куду, ванондсть, апак салак ли мезьсновок. Бабатне басыть эвдоф уноксон, а урвянятне потяфтозь топодемс идьнясон апак пельхть, што кивок найсы синь мазь мяштьсон.

1935 кизонь август 16 и Октябрь 19.

## Итало-Абиссинской войнась

### ФРОНТТНЕНЬ ЭСА ПОЛОЖЕНИЯСЬ

#### Решительнай бойхнень анокламасна

Рим. Итальянская источникнень ульсть лама пулеметсна и нльне эзда сведениягнень коряс, Абиссиниясь фронттнень эса аноклакшневихть решительнай сражений.

Кода пачьфнесы Абиссинияста Восточнай Африкаса итальянской войскактнень мархта командующайсь де БОНО-сь, абиссинецнень явондасть лама од вооружениясна. Тьожатть абиссинской боецт, корхтаци сообщениясь, конат примсесть участия мекпальдены бойхнень эса, якасть автомашинась и

ульсть лама пулеметсна и нльне броневиксна.

Абиссинской партизанской отрядтне вятихть действият итальянской фронтонь линиять кафцке ширьденза. Партизаттнень абиссинецнень тяряфкснсон сувамс итальянской частьтнень тылозост, аф эривихть лувондомс, кода сязьф самостоятельной действият. Итальянской печатть коряс, синь, найф, арьсефт абиссинской командованиять мархта и кирьдихть оцю значения.

#### Тактикаць полафтомац

Английской печатть сообщенианц коряс, Доло и Маколе района итальянской войскактнень тактикасна ули полафиф сян мархта, што нят райоттнень окрестностьса пуроптф лама абиссинской войскада. Итальянечне, возможно, кармайхть вятена операцият тюремнай войскактнень эзда пуроптф летучай отрядтнень вельде. Нят отрядтненьди улихть максфт танкат. Тьфтам тактикась, итальянской командованиять расчетонзон коряс, тийсы лишна-нйди войсковой лама массань молемаць и тьождалгафцы снабжениять. Печатьсь азондсь, што абиссинской снайперхне са- томшка активнайхть.

Абиссинской правительствать представителенц заявленияц коряс, абиссинской войскактне курок аделасазь север шири и юг шири наступленияти анокламаць. Абиссинской командованиясь анок вятемс ламос пингень наступления и таргамс сонь (затянуть) пиземонь сезонть самс сяс, штоба сталгафтомс итальянской армиять снабжениянц.

Абиссинской правительствать мархта нолдаф официальной сообщениясь корхневи итальянской солдаттнень бесчинстваснон колга, конат тиеньдевихть абиссинской аватненди.

### ШПИОНТТНЕНЬ И ДИВЕРСАНТТНЕНЬ ЛАНГСА СУД

Хабаровск, 12. Особай Краснознаменной Дальневосточной армиять Военной трибуналоц ванондозе шпионтнень-диверсантнень Сорокинть и Бабинть тевонон, конат Харбинца ащи кодама бдиностранай государствань военной миссиять заданиянзон коряс Манчжурияста йотасть советской территории лангс. Подсудимайхне ульсть кундафт июньть 9-це шистонза Облудчье станциять районца, мзярда синь йотасть советской границать вельф сян инкса, штоба тиёмс диверсия. Кундамост Сорокинть и Бабинть кядьста ульсть сязфт подложнай документ, маузерхт, бомбат, бикфордов шнур, стрихнин кристаллса и контрреволюционнай листовкань пачкат.

Сорокинць—советской властть ярай врагоц, конац 1922-це кизоня ворьгодсь Манчжурияв, Башка заслуганкса Сорокинць ульсь примаф службама кодама бди иностранай государствань военной миссияти. Сорокинць военной миссиять заданиянзон пашкодемаснон инкса ламоксть йотнесь советской границать вельф.

Омбце подсудимайсь Бабинць

—эсь родинанцы изменник. 1933-це кизоня сон ворьгодсь советской территорияста Манчжурияв. Марса Сорокинть мархта сон границать йотазь эрьсекшнесь тиёмс диверсионнай акт.

Трибуналть председателенц кизефксонзон каршес отвечамаста Сорокинць видькстась, што сон получась военной миссиять эзда шпонкай характерса задание. Сорокинць тяряфнесь азондомс, што преступникнень кядьста муф бомботнень, бикфордов шпурть и стрихинть синь сязоньдезь зверь лангс охотендаманди и эсь пряснон арелямс. Но листовкатне, конат ульсть Сорокинть кядьса, азондзсь бомбатнень и стрихинить видексонь назначениснон. Нят листовкатне терьнихть террорс и диверсияс. Сорокинць ульсь вынужденнай видькстамс, што эсь подлай работанц инкса сон получась военной миссиять ширьде лама ярмакт.

Судсь молись кафта шит.

ОКДВА-нь военной трибунальс судендазень шпионтнень-диверсантнень Сорокинть и Бабинть ляцемс.

### КРУЖОКНЕНЬ ЭСА РАБОТАСЬ ЛЯДЯФ

Саранск. 5-це № школань пионерской организациясь старшай вожатойкс работай Козлов ялгась.

Тя пионерской организациясь организовандафт кружокт, кода военной, фото и лият.

Работась ня кружокнень эса мольтевипяк цебарьста и организовайста.

Военнай кружокть эса руководителсь соньць Козлов ялгась. Ня вярязь азф кружокненьди сувась лама пионерхт, конат пяк интересовандафт ня кружокнень мархта, посещаемотсь кружоконь занятияненьди 100 процент. Тя кружо-

кса проработандаф: сязьсь, топографиясь, морзень азбукась и стактов.

Фото кружокса пионерхнень мархта проработандафт фотоаппаратчastenза, кода мархтонза эряви обрацандикишнемс кода снимандамс снимкат. Кружоконь члентне тятевь йотайхть эсонза практикаса.

Станя жа ули авиомодельнай кружок, коса пионерхне тиеньдихть модельхть.

Ал. Лим.

Отв. редакторсь Ф. С. РУСЬКИН

Уполномоченный главдита № 1725. Тираж 2007. Заказ № 3419.

г. Саранск типография „Красный Октябрь“ Мордгива